

BIBLIOTHECA
MANUALIS
ECCLESIAE PATRUM

COMPLECTENS

Illorum vitæ, & gestorum brevium: Operum Synopsim: Illustriora
testimonia Dogmata, Mores, Disciplinam spectantia, & selecta
Vitæ spiritualis documenta.

OPUS

GALLICE EDITUM

A D. PETRO JOSEPHO TRICALETIO

PRESBYTERO, ET DOCTORE IN UNIVERSITATE VESONTIENSI,


LATIO DONATUM

NOTISQUE BREVIORIBUS ILLUSTRATUM

AB EUDOXIO PHILENIO S. T. PROFESSORE.

TOMUS NONUS

Continens selecta SS. Patrum Axiomata, & Indicem generalem.



BASSANI, MDCCLXXXIII.

SED PROSTANT
VENETIIS APUD REMONDINI.

Superiorum Permissu, ac Privilegio.



MONITUM

IN EDITIONE GALLICA

Tomo VIII. præmissum.

DIUS eruditusque hujusce Bibliothecæ Auctor animo constituerat totum laborem suum in Analyfi contexenda præcipuorum Operum SS. Patrum ab Apostolorum ævo usque ad S. Bernardum inclusive, præcedentibus septem Voluminibus concludere. Verum publico ac communi desiderio & studio, quo a Piis excepta fuit hæc ejus complexio, ulterius illam extendere operæ pretium duxit. Non defuere siquidem qui illi animadvertendum proposuerunt, se novum & quidem magnum præstiturum fidelium cœtui beneficium, si Operi suo jam completo, nec sine laude, & plausu suscepto, novam Axiomatum & Sententiarum SS. Patrum ad moralem præsertim doctrinam spectantium adderet Collectionem; cui consilio libenter acquiescens eorum desiderio ac petitioni satisfacere non recusavit, & hoc novo labore implevit. Porro nullus est Religionis studiosus, illiusque dogmata, & doctrinam sciendi sequendique cupidus, qui non statim percipiat post divinarum Scripturarum lectionem, quæ certe quotidiana foret habenda, nihil utilius, nihil jucundius Ec-

SELECTA AXIOMATA PATRUM ECCLESIAE

A D


MORES ET ASCETICAM VITAM SPECTANTIA.

CAPUT PRIMUM.

SELECTA AXIOMATA

S. I G N A T I I

*Apostolorum discipuli, Episcopi Antiocheni,
& Martyris (a).*

I.  EMO erret: nisi quis intra altare sit, privatur pane Dei. Si enim unius atque alterius precatio tantas vires habet, quanto magis illa, quæ Episcopi est & totius Ecclesiæ? Qui igitur in conventum non venit, hic jam superbia elatus est, & se ipsum separavit atque judicavit. Scriptum est enim: *Superbis Deus resistit.* (*S. Ignat. Epist. ad Ephes.*)

S. IGNATIUS.
Virtus Orationis communis.

II. Permittite ipsos saltem ex operibus a vobis erudiri. Sitis vos adversus iras eorum mites, adversus magniloquentias eorum humiles: eorum maledictis opponite vos preces; adversus errores eorum vos firmi permanete in fide; adversus efferos mores illorum vos mansueti sitis; non studentes eos imitari; fratres eorum inveniamur per benignitatem: imitatores autem Domini studeamus esse: unusquisque majorem injuriam patiat, unusquisque defraudari se finat, unusquisque contemni. (*Ibidem.*)

Utilitas boni exempli.
Mansuetudo & patientia christiana.

III. Non persuasionis opus, sed magnitudinis est Christianus, (*Epist. ad Rom.*)

Sola gratia verum efficit christianum.
Ardor ingens martyrii.

IV. Obsecro vos ne intempestiva benevolentia erga me sitis. Si nite

A 4

(a) S. Ignatius in Sede Antiochena Evodio successit anno 68. & martyrium subiit Romæ anno 107. tempore Trajanicæ persecutionis ad bestias damnatus in Romano Amphitheatro.